

**Inuit Pathways Funding Program  
Nunatsiavut Government ASETS  
P.O. Box 116 Makkovik, NL AOP 1J0**

Fonninga: 709-923-2105 AkiKangituk: 1-877-923-2171 Sukkajukkut: 709-923-2347  
Kagitaujakkut: [inuitpathways@nunatsiavut.com](mailto:inuitpathways@nunatsiavut.com)

## **Suliatsanut Malittaugialik**

### **SuliaKalluni Ilisimajaugialet**

Nunatsiavut kavamangata NunaKakKâsimajut Ilisimagialingit ammalu Suliatsanik Ilinniagamut Pannaigutik (ASETS), Inuit Pathways kenaujaKattisiKattavut katutjiKatigenik/suliaKattisijunik tigusigiamut suliatKangitunik immigojunik (ikajuttaugutilet Labradorimi Inuit Nunamik Satusaijet AngiKatigegutingani) pivalliagamut ilisimagialinginnik atuinnguttilutik, suliaKainniallutik suliatamini. Pivitsaujuk immigojunut ilinniasimatsiangitunut ubvalu suliaKalautsimangitunut suliatanik iliaugunnalutik suliatanut.

#### **1. Sunauva tugâgutinga suliatanut?**

Tugâgutinga Suliatsanik Ilinniagamik pitaKattisigiaKavut katutjiKatigenik/suliaKattisijunik kenaujatsanginnik tigusigiamut suliaKangitunik. Tamanna pivitsaujuk immigojunut ilinniatigiangit suliaKagiamik pigumajanginnik suliaigumajanginni ammalu/ubvalu suliaKattilugit piusiumitigiangit suliatanginnik pivallianinginni. Tamanna sakKititsigunnatuk anginitsamik kenaujaliusongugiamut ilauKataullutik ammalu imminik tatigigunnalutik.

#### **2. Sunauvat pivalliagamut ilauKataulluni kenaujangit?**

kenaujatigut ikajutsitaugunnaKut katutjiKatiget/suliaKattisijut piggagasuakKulugit tigusigiamut suliatKangitunik immigojunik ilinnianiammata ilisimagialimminik uKattaugunnatunik ingiggainianiatilugit suliaKagiamut pivitsaujuni.

#### **3. kinakkut ilaugunnaKat suliatanik pivalliagamut ilinniatauKattajune?**

Ilaugunnatut katutjiKatiget/suliaKattisijet imailingagiaKavut

- ikajuttaugutiKalluni Labradorimi Inuit Nunamik Satusaijet AngiKatigegutinganut
- suliatKangitollutik ubvalu suliatKatsiaKattangitollutik asiminit 20-ni sitoni suliaKaKattajuni wogimi;
- maligatsatigut suliaKasongulluni Canadami; ammalu
- ikajutsitaugiaKalluni **atuinnguttilugiamut** ilauKataugiamut suliatani, suliatatâgiamut, ubvalu namminik suliatatâlluni kenaujaliuvitsaminik.

Ilaugunnatut katutjiKatiget/suliaKattisijet imailingagialet

- kavamaullutik katutjiKatiget
- Nunatsiavut kavamangata ikajuttingit kampaniujut
- Kenaujaliungitollutik katutjiKatiget
- Namminilet kampanet
- Asingillu katutjiKatiget

Kaujimagit: Immigojut isumatsasiugutaulâtut suliatKangitunik ilauKataunitsangit SuliaKagiamut Ilisimajaugialinni Suliatsani kisiani, taitsumani Kinugappata ikajuttaugiamik, imailingallutik

- Kittaingainnalutik Kinijanut sulijumik, suliaKainnavitsaminik, ammalu/ubvalu
- suliaKaKattalutik ikinnisanik 20-nit sitondinit wogimi

Ilonnâgut ikajutsigiamut ammalu/ubvalu ikajuttaugutet atuinnauningit ikajuttaugialinnut ilauKataugiaKavut ilanganut Utigiamut Suliatsanut Pannaigutunik (RTWAP) âkKitausimajut Kaujisattinut ikajuttaugialinnik. Ikajuttaugialik kamagijausimagiaKavuk ammalu ilauKataulluni pannaigutininut ilingaluajunik uKautaujunik ikajuttaugialinnut atuttaugialinnik suliatatâgiamut tugâgutininik.

#### 4. Kanuk katutjiKatiget KinugunnaKat suliatsanik?

Kinugallutik Kinugautitigut pitâgijausot ukunangat ASETS tigumiajunik, Inuit Pathways, P.O. Box 116, Makkovik, NL A0P 1J0 fonninga 709 923 2105, sukkajukkut 709 923 2347, akiKangituk1 877 923 2171 Kagitaujakkut: roberta\_baikie-andersen@nunatsiavut.com

#### 5. Sunauvat Kinugagamut ullusangit?

Kinugautet tigujuKattaniattut ingiggainanningit kamagillugit.

#### 6. Sunauva anginippâk ilingajuk SuliaKagamut Ilisimajaugialinnik Ilinniagamut?

Anginippâk ilingajuk angiKatigegutimmi 16 wogiuluaKattajut.

#### 7. Kanuk SuliaKagamut Ilisimajaugialinnik Ilinniagamut aulatauKattavâ?

Ukutigonak aittuigiamut angiKatigegutittigut ilaugunnatut katutjiKatiget/suliaKattisijet suliatsatâtitsigiamut ilaugunnatunik immigojunik.

#### 8. Sunauvat ilauKataugiamut akiligialingit katutjiKatiget/suliaKattisijet?

kenaujatigut ikajutsigunnatut aittosiangutillugit aittotaullutik ilaugunnatunut  
katutjiKatigenut/suliaKattisijunut ilingatillugit ukuninga akilittaugialinnut ilauKataujut  
suliaKanitsanganut akilittaugialet:

- Ilonnanga ubvalu ilatuinnanga akiliusiatsanga ammalu suliaKagamut ilingajut akilittaugialet, ukua aviukKataumajut atullugit:
  - 100% akiligialet ilingaluagajattut ikajuttaugialinnut ilauKataugiamut suliatsanik ilisimagamut kenaujaliungitunut katutjiKatigenut ubvalu;
  - Tikillugu 70% akiligialet ilingaluagajattut ikajuttaugialinnut ilauKataugiamut suliatsanik ilonnaini ilaugunnatuni katutjiKatigeni/suliaKattisijuni ubvalu
  - 100% akiligialet ilingaluagajattut suliatsanik ilisimagamut ikajuttaugialinnut sivungani pijagesimajunut Ilisimagialinginnik Pivallianikkut Ilinnialutik Inuit Pathwaysikkuni, ammalu mânnaulittuk suliatsasiulittunik ilismalittamini ilinniasiamajamini.

Kaujimagit: katutjiKatiget/suliaKattisijet uttissipviugunnatut kenaujanik kamagillugit atusimajangit kenaujait, kântraktititausimaninut akinginnik.